

Naqqiut

Aappassaanerinissamut akissuteqaat, 31. Marts 2026-meersoq taarserpaa.
(Makku naqqiutigineqarput oqaasertaa iluarsissuteqarfigineqarpoq.)

Kalaallit Nunaanni nunaqarfinni tamani ingerlatsinissamut akuersissuteqarfiullutik qulimiguulinnut mittarfinnik pilersitsinissamut, pioreersunillu aserfallatsaaliuinissamut, kingusinnerpaamik UKA2026-mut, Naalakkersuisut sanaartornissamut pilersaarusiornissaannut (projektering) peqquneqarnissaannik Inatsisartut aalajangiiffigisassaattut siunnersuut
(Inatsisartunut ilaasortaq, Jens NapâtôK')

Akissuteqaat

(Ineqarnermut, Attaveqaasersuutininut, Isorliunerusunut Upalungaarsimanermullu Naalakkersuisoq)

Aappassaanneerreqarnera

Naalakkersuisut sinnerlugit Sanaartornermut Ataatsimiititaliaq peqqissaartumik isumaliutissiissuteqarneranut qutsavigaara.

Naalakkersuisunit iluarisimaarlugu paasivarput, Naalakkersuisunit allannguutissatut siunnersuut saqqummiunneqartoq akuersissutigineqassasoq ataatsimiititaliami amerlanerussuteqartut Demokraatinit, Inuit Ataqtigiinnit, Siumumit aamma Atassumit sinniisuutitaqartut inassutigigaat.

Naalakkersuisut allannguutissatut siunnersuut saqqummiussaata tassaavoq:

Qulimiguulinnut mittarfinnik pilersitsinermi aammalu ingerlatsinissamut akuersissuteqarfiusunik iluarsaassinermi aningaasartuutissat ullutsinnut naleqquttumik ilisimalernissaannut, qulimiguulinnut mittarfiit pillugit Mittarfeqarfiit nalunaarusiaa 2022-meersoq nutarteqqullugu Naalakkersuisut peqquneqassasut pillugu Inatsisartut aalajangiiffigisassaattut siunnersuut. Nalunaarusiap nutarterneqarnera UKA2027-mi Inatsisartunut saqqummiunneqassaaq.

Ataatsimiititaliap erseqqissaatigaa, silaannakkut assartuussinermik isumannaatsumik patajaatsumillu atuisinnaaneq nuna tamakkerlugu ataqtigiinnissamut, toqqissisimanissamut assigiimmillu pineqarnissamut pingaaruteqartoq. Kiisalu ataatsimiititaliaq isumaqarpoq, nunaqarfiit qulimiguullit angallannerinut attaveqaasersuutininik killilinnik pigisaqartut pigisaqanngitsulluunniit suliap ingerlaqqinnerani salliutinneqarnissaat immikkut pingaaruteqartoq.

Isumaliutissiisummi ataatsimiititaliap erseqqissaatigaa, sanaartugassanut aningaasaliinissat pillugit Inatsisartut aalajangiineri tunngavissat nutartikkat piviusorsioortullu tunngavigalugit pisartussaasut.

Naalackersuisunit ataatsimiititaliap isummersuutaanut tamakkiisumik isumaqatigaarput.

Naalackersuisut taamatut naatsumik oqaaseqarlutik Naalackersuisunit allannguutissat siunnersuuterput aalajangiiffigisassanngorlugu innersuussutigivarput.